

պէս ասում են իրենք ուսմանը, «ուր աչքերն են նայում»:

Երկարաքղանց մի կապայ կամ մուշտակը հազին, մէջքը պարանով սղմած, երկարավիզ թանձր կօշիկները մինչեւ ծնկները քաշած, գլխարկը մինչեւ ականջները, անորոշ հայեացքը դէպի հեռուն, դէմքն անյոյզ ու հանդարտ, որպէս ուխտաւոր, ահազին գաւազանը ձեռքին, մէջքին մի պարկ, որ պարունակում է բոլորն ինչ նա ունի, այս մարդը քայլում է տարածութեան մէջ այնպէս, ասես նա էլ երբեք կանգ առնել չի կարող, ու դատապարտուած է քայլել յաւիտեան:

Մի հարցնէք, թէ ո՞ւր է գնում, իր նպատակը միայն ինքը գիտէ, եւ աշխարհը երբեք չի հասկանայ այն:

Իրաւերով, հողերի հետ, լուսթեան մէջ, կամ արեւի տակ աննպատակ քայլելու գերագոյն հաճոյքը միայն ոուս մարդը գիտէ:

Նա քայլում է ասես աշխարհից դուրս, միշտ դուրս է մի նոր աշխարհ գտնելու անգիտակից մղումով, որովհետեւ իրենք շատ է տաղտուկ ու միակերպ:

Ու մի հարցնէք, թէ ի՞նչ է տեսնում: Նա ոչինչ չի տեսնում: Նա միայն քայլում է, ասանց յետ նայելու:

Մի՛ հարցնէք նաեւ, թէ ի՞նչ է թողել իր յետեւում:

Ոչինչ չի թողել:

Փայտաչէն խրճիթ:

Մի օր կայ, միւս օրը ուրազանք կը սրբի երկրի երեսից, որպէս տաշիզ:

Փայտաչէն ու խարխրած եկեղեցի՞, այն էլ եթէ եղել է, վաղուց էր ճոճում քամիների շնչի տակ եւ մի օր հրդեհը լափեց, ուսական հրդեհը, որ մի քանի ժամում մի ամբողջ գիւղ է լիզում ու մոխիրի վերածում:

Գերեզմանատունը... քար ու յիշատակութիւն չկայ այնտեղ. երէկ թաղուած սրբելիների հողաթումբը այսօր արդէն հարթ է եւ փայտէ փոքրիկ խաչը շատ շուտ է ծուում ու գետին փուում:

Մնում է հո՞ղը, հո՞ղը... որի ազաղակը ուսական ամբողջ պատմութիւնն է բռնել: Հողը, որ տնքաց ու տառապեց ճորտութեան ծանրու-

թեան տակ մինչեւ որ եղբայրացաւ ազատութեան հետ:

Ձեմլեա ի վոլիա, հողն ու ազատութիւնը դարձան ոուս մարդու երկու շղթայուած աստուածութիւններ, որ պէտք էր փրկել:

Քաղխուեց նրանց փրկելու համար, արիւնտուեց ու ընկաւ իր կողի վրայ:

Ո՞ւր է ազատութիւնը:

Հող ամէն տեղ կայ անծայրածիր Ռուսիայում— Սեւ ծովի ափերից մինչեւ Սիբիր, ամէն տեղ հասիկ փոխի, անձրեւն ու Աստուած մի կտոր հաց կը տան: Ազատութի՞ւնը...

Նա դարձեալ չկայ, չկայ...

Քայլի՛ր, քայլի՛ր, այսպէս ազատ եւ հովերի հետ:

Քայլի՛ր, ճինչեւ ուժասպառ ընկնես մի տեղ եւ դուրսդ մայր երկրի կրծքին դնես...
... էլս...

Անհուն մի տնքոց, ոուս մարդի տնքոց, որ ցաւ էլ չունի. հողմի մոնչիւն է այդ էլսը, խուլ արձագանգը ներսից վայոյզ հոգու, ու ժխտումը սեփական էութեան: Էլս, մի ձեռք անյուսօրէն բարձրացաւ օդի մէջ, ցնցուեց ու վար ընկաւ:

Քայլող սո՛ւսը...

Նա քայլելով է տիրել գրեթէ կէս Եւրոպան եւ կէս Ասիան, ինքն էլ չլմանալով, թէ ինչո՞ւ է տիրում:

Եւ յաճախ ինքն էլ չը գիտէ, թէ ի՞նչ ունի. անեկզոտ է հետեւելը, բայց որքան ընտրոջ ոուս հոգեբանութեան համար:

Ասում են, որ ոուս-ճապոնական պատերազմին ոուս զինուորը արեւմտեան սահմաններից չարժուած են դէպի Միջին Ասիա, դէպի Մոնղոլիա, Չինաստան, Վլադիվոստոկ: Ճամբան անծայր է. անցնում են նահանգ նահանգի յետեւից, անցնում են անձանօթ վայրերով եւ երբ հարցնում են, թէ ո՞ւմ են պատկանում այս հողերը, պատասխանը լինում է միշտ նոյնը.

— Ռուս ցարին:

— Ապա էլ ինչո՞ւ ենք մենք կուռի գնում, երբ այս բոլորը մերն է, հարցնում են խեղճ զինուորները:

Հարցնում են, բայց գնում են: